

Dadus relata 07 Jullu 2020

### SUMÁRIU

- WFP nia Servisu ba Pasajeiru Aereo Global ho autorizasaun hosi Governu Timor-Leste lansa WFP nian voo aluga konekta Dili to'o Kuala Lumpur iha loron 14 Juñu 2020. Voo sira ne'e ajuda atu hodi provizaun médiku no pesoál umanitáriu atu responde ba COVID-19. Iha fulan Juñu nia laran, voo tolu hodi pasajeiru hamutuk 48 ba provizaun médiku 1,689 kg ba OMS, 165 kg ba WFP no 25 kg ba World Vision. Sei iha tan voo rua iha loron 8 no 22 Jullu.
- Vise Ministru Saúde, Bonifacio dos Resi Maucoli visita munisípiu rua iha fronteira, Bobonaro no Covalima atu hala'o avaliasaun ba preparasaun ba COVID-19 nian. Rejiaun rua ne'ebé iha fronteira rai nian ho Indonezia hasoru pasajen regulár ema nian hosi fronteira sorin. Iha oportunidade ida ne'e mós, OMS mós halo doasaun ba provizaun esensiál balun hanesan kama, kolxaun, meza, kadeira no mós kits sobrevivensia, kits ijiene no kits sanitaria atu ekipa facilidade ba kuarentena no izolamentu iha munisípiu rua ne'e.
- Ministeriu Saúde, Hospital Nasional Guido Valadares (HNGV), no INS ho apoiu husi OMS no USAID hala'o "Treinamentu ba Jestaun ba Kazu COVID-19" ba pesoal saúde sira hosi Sentru Saúde Komunitade (CHC) nian iha Balibo no Rita-Bou iha munisípiu Bobonaro. Maizumenus pesoal saúde nain 15 hosi CHC ida ida hetan hela treinamentu iha aspeitu diferente kona ba COVID-19, inklui atu uza ekipamentu protetivu pesoál ho seguru, introdusaun ba COVID-19, suporta psikológika no tópiku seluk tan.
- Vulnerabilidade ne'ebé aumenta hamutuk ho moras naunkomunikavel sira (NCD) ne'ebé bele hetan moras todan ka mate hosi COVID-19 bolu ita atu aumenta ita nian esforsu ba prevensaun, jestaun, no kontrolu ba NCD sira. Maizumenus pesoal saúdeprimaria ba multidisiplinaria no administrador ba CHC Ermera nian tuir ona treinamentu hamutuk loron rua kona ba feramenta atualizada sira no prosesu ba integra no implementa Pakote Esensiál ba Intervensaun Moras La Hada'et (PEN) ba populasaun. CHC Ermera fornese ba populasaun hamutuk 40,000 no iha postu saúde iha nia area. Partisipante sira mós simu atualizasaun kona-ba surtu COVID-19 ne'ebé maka'as iha mundu no ita nia presiza urjente atu matan moris neon nain maske ita-nia nasaun laiha kazu ativo.

### SITUASAUN IHA NÚMERU

Totál no kazu (foun) iha Timor-Leste

**24** konfirmadu (foun 0)

**0** mate

(Bazeia ba dadus ne'ebé públika iha [Ministerio da Saúde](#))

Tuir pájina WHO Timor-Leste [Facebook](#) no [Twitter](#) no [MS](#)

Ba informasaun klean liután no guia husi OMS kona-ba surtu atuál Moras Coronavirus – 2019 (COVID-19) bele asesu iha [ne'e](#).

### SITUASAUN GLOBÁL

Totál kazu (foun) iha oras 24 nia laran

#### Globalmente

**11 327 790** konfirmadu (**202 545**)

**532 340** mate (**4 134**)

### AVALIASAUN RISKU OMS

Nível Globál Aas tebes

- Ministériu Saúde partisipa iha enkontru Preparasaun Nivel Altu ho Membru nasaun sira seluk hosi OMS Rejiaun Sudeste Áziatiku ba Sesaun Komite Rejionál bad ala 73 iha fulan Setembru ne'ebé sei foka liu ba COVID-19
- OMS fornese poster hamutuk 40,000 ne'ebé koalia kona ba tópiku hanesan fase liman, oinsá atu uza máskara hena, oinsá atu uza máskara médiku and risku ba mear kona ema – ba MS no Ministériu Edukasaun atu fahe ba eskola besik 2000 iha nasaun laran atu fo apoiu ba loke fila hikas eskola ho seguru.



Data notifikasaun kazu foun no kumulativu COVID-19 iha Timor-Leste  
( 07-Jul-2020 : kazu foun-0 kumulativus-24 )




Source : Direcção Nacional Controlo de Doenças - Departamento Vigiância Epidemiologia

Timor-Leste

## Situasaun Nasional Kazu : COVID-19 Timor-Leste

(Kumulative figures)



Source : Direcção Nacional Controlo de Doenças - Departamento Vigiância Epidemiologia

## OMS TIMOR-LESTE NIA OBJETIVU ESTRATÉJIU

- Hapara transmisaun hosi ema-ba-ema inklui hamenus infesaun sekundáriu entre sira ne'ebé maka iha kontaktu besik no pesoál saúde sira, haforsa liután prevensaun transmisaun kazu;
- Haforsa Sistema vijilánsia no aumenta kapasidade laboratóriu hodi detekta kazu COVID-19;
- Garante katak halo tuir duni padraun ba infesaun prevensaun no kontrolu (IPC) ne'ebé rigorozu tebes no hasa'e kapasidade ba IPC nian;
- Identifika, izola no kuidadu ba pasiente; inklui fornese mós kuidadu óptimu ba pasiente ne'ebé infetadu;
- Halo sosializasaun ba informasaun risku no eventu ba comunidade hotu-hotu no hakotu informasaun la loos liuhosi servisu hamutuk ho parseiru sira.
- Hamenus impaktu sosiál no ekonómiku liuhosi parseria multisetorál.

---

## REKOMENDASAUN NO KONSELLU BA PÚBLIKU

### **Fase ita-nia liman beibeik**

Fase ita-nia liman ho dezinfetante ka fase ho sabaun no bee

**Tanbasá?** Fase ita-nia liman ho sabaun no bee ka uza dezinfetante sei oho virus ne'ebé hela iha ita-nia liman.

### **Mantein distánsia fíziku**

Mantein distánsia fíziku pelumenus metru 1 (pasu 3) distánsia hosi ita nian a'an no ema seluk.

**Tanbasá?** Bainhira ema me'ar ka fani sira bele hada'et mós ho turuk-oan sai hosi sira-nia inus ka ibun ne'ebé dalaruma kontamina ho virus. Se ita besik loos ema ne'e, ita bele dada iis tama fali turuk-oan ne'e, inklui ho virus COVID-19 karik ema ne'ebé me'ar infetadu hela.

### **Evita ka'er ita nia matan, inus no ibun**

**Tanbasá?** Ita-nia liman ka'er fatin barak no bele da'et virus ne'e. Bainhira kontaminadu ona, hosi liman bele transfere virus ba matan, inus ka ibun. Hosi ne'e, virus ne'e bele tama ba ita-nia isin no halo ita moras.

### **Prátika Ijiene Respiratóriu**

Tenki asegura ita-boot, no ema ne'ebé besik ita, atu halo tuir ijiene respiratóriu. Ida ne'e signifika katak taka ibun, no inus ho liman sikun ka uza tixu bainhira me'ar or fani. Depois soe kedas tixu ne'e ba lixu fatin.

**Tanbasá?** Pártikula hada'et virus. Halo tuir ijiene respiratóriu, ita-boot sei proteje ema ne'ebé besik ita hosi virus hanesan inus metin, flu no COVID-19.

### **Se ita-boot isin-manas, me'ar no dada iis araska, buka lalais tratamentu**

Hela iha uma bainhira moras. Se isin-manas, me'ar no dada iis araska, buka lalais tratamentu médiku no telefone uluk. Halo tuir instrusaun hosi autoridade saúde.

**Tanbasá?** Telefone antes sei permiti pesoál saúde sira atu bele direta ita-boot ba facilidade saúde ne'ebé loos. Ida ne'e sei ajuda proteje ita-boot no ajuda prevene hada'et virus no infesaun seluk.

### **Buka hatene informasaun no halo tuir konsellu ne'ebé pesoál saúde sira hatoo**

Buka hatene nafatin informasaun ba dezvoltamentu ikus kona-ba COVID-19. Halo tuir konsellu ne'ebé ita-boot nia pesoál saúde sira hatoo, husi autoridade saúde nasional no lokal, ka empregador kona-ba oinsá atu proteje ita-nia an no ho ema seluk husi COVID-19.

**Tanbasá?** Autoridade nasional no lokal sei iha informasaun atualizadu kona-ba karik COVID-19 da'et iha ita-nia área. Sira maka fatin di'ak liu atu hetan konsellu kona-ba saida mak ita tenki halo hodi proteje an.

Ba matadalan kona-ba medida preventiva seluk disponivel iha [ne'e](#).

---

#### **Informasaun COVID-19 Information no kontaktu média:**

- Ministériu Saúde estabelese ona número *hotline* – 119 – ba COVID-19 ne'ebé maka ema hotu-hotu bele telephone hodi hetan informasaun relasiona ho COVID-19
  - Alende ne'e, [Pájjina Facebook MS](#) nian fornese atualizasaun loloos kona-ba dezvoltamentu COVID-19 iha rai laran
  - OMS Timor-Leste liuhosi nia [Pájjina Facebook](#) no [Twitter](#) mós disemina informasaun kona-ba medida preventive, pergunta no resposta, *myth-buster* no atualizasaun ikus kona-ba COVID-19 iha mundu tomak no iha rai laran. Ba media no pedidu ba entrevista bele manda ba [singhsho@who.int](mailto:singhsho@who.int) no [hasane@who.int](mailto:hasane@who.int)
-